

入戲太深 講嘢太狠

朱敏瀚

鬧喊知衰道歉

JW



■JW與朱敏瀚的歡喜冤家形象深入人心。



■4人再次合作拍劇，友情更加深厚。

周嘉洛、陳澧、朱敏瀚(朱仔)及王灝兒(JW)2021年拍無綫劇《痞子殿下》成為好友，之後再次攜手演出《痞子無間道》，但友情竟然起暗湧！JW自爆被朱仔鬧喊，朱仔認衰道歉：「係我態度唔好。」JW明白大家對事不對人，笑言無損友情，希望再合作。

採：記者 梁靜儀 攝：黃艾力

4人合作《痞子殿下》成為最佳拍檔，今次再度攜手演出《痞子無間道》，竟然發生拗撬，大家都變得執着及各持己見！朱仔承認因說話太狠鬧喊JW：「今次大家講嘢都直接咗，冇修飾，加上拍攝時間緊迫，好多時講嘢會直接到 Point，做嘢要快狠準，但因為太狠，令到JW唔開心。」他向JW道歉：「我承認自己態度唔好，做錯咗，鬧喊你。」

JW重提舊事時語帶不忿說：「佢態度惡劣，雖然冇爆粗，除咗講嘢直接，仲好入戲，唔開機都仲喺戲入面。（佢太入戲？）係啦，係好入戲！我好尊重佢，只係我個人比較敏感，變咗佢可能唔太客氣，佢一路試探我嘅底線，都知我騷。」她續稱：「拍攝時大家都好大壓力，加上睡眠不足，但又想做好件事，但我演戲經驗比較少，所以要時間適應。」問到朱仔事後可有向她斟茶認錯？JW笑言：「大家拍完當

日都有傾番。」

朱仔坦言首次整喊人，不過大家的友情因此加深。問JW下次還會否與朱仔合作？她說：「都想再合作，我入TVB就係想演戲，可以同佢哋3個合作，我好幸運。」她明白大家對事不對人，朋友就是這樣。

周嘉洛與陳澧更有火花

陳澧認為演喜劇很難，要成功有很多因素，除了演出節奏、對手配合外，還有播映時間，都會令劇集是否受歡迎。她自言為了搞笑演出豁出去，完全沒包袱。JW亦稱沒歌手包袱，只擔心自己的音調及誇張演出，會否令觀眾接受。

周嘉洛表示今次與陳澧合作更有火花，因對方經常出其不意，令他接不上對白。提到他與朱仔有咀戲，兩人齊聲表示不抗拒，周嘉洛笑言：「我係專業演員，任何唇都係一塊唇，拍完後



■周嘉洛讚陳澧演技愈來愈出色。

亦都有愛上朱仔。」朱仔亦笑言不會愛上周嘉洛，反而加深兄弟情。

古巨基低成本 還原22年前MV


古巨基與海兒(Hedy)、程人富近日以「Low筆」(低成本)還原22年前《任天堂流淚》MV，不少網民看完都讚製作認真兼笑爆嘴。《任天堂流淚》MV由程人富飾演基仔、Hedy飾演當年MV女主角李彩華，基仔則穿插MV。



■古巨基(中)與程人富及海兒合作愉快。

對於網民指基仔與22年前的樣貌右變過，問他吃了什麼防腐劑？基仔笑言：「盡量唔刷牙，食麻辣鍋、燒烤，啤酒一定要飲，紅酒啦、威士忌都飲少少，全部加埋就一定可以防腐。」

首次演MV女主角兼演戲的Hedy表示：「第一次同兩位實力男演員拍攝，的確學咗好多嘢。我仲以為我哋真係要去個郊野公園嗰。呢個MV通宵拍咗15個鐘，因為用咗15個鐘笑，哈哈。」



■程人富與海兒玩騎馬，重現《任天堂流淚》的經典場面。

高海寧笑到似大細路



■高海寧踩單車放鬆心情。

高海寧早前拍完無綫新劇《夫妻的博弈》，將拍重頭劇《新聞女王2》，她把時間，先到西雙版納拍內地綜藝節目《快樂的大人2》。當她抵達雲南，面對美景時心情由大人變回大細路。高海寧在社交平台分享照片，見她於黃昏踩單車，又走入樹林看奇趣的植物，晚上則欣賞繁星，高海寧笑得像孩童般天真無邪，治癒了工作忙碌的心情！她留言：「去了個美麗的地方，跟可愛的小夥伴們一起，被大自然治癒。」

黃妍由零開始苦練舞技

由黃妍主演的微電影《加班》是第12屆微電影「創+作」支援計劃(音樂篇)的參賽作品，黃妍為了拍這部微電影由零開始努力練舞，在排舞老師指導下進步神速，於鏡頭前跳舞有板有眼。黃妍表示：「今次係第一次拍電影，好大挑戰，仲要第一場就跳舞，真係難上加難！第一次拍戲，覺得最難係要喺好短時間內進入角色嘅情緒，投入拍攝氣氛，幸好有兩個導演幫助，除咗喺情感上嘅支援，同理協助我哋理解劇情。第一次拍戲，有咁大隊 Crew，幾好玩。」



■黃妍首當女主角，開心又緊張。